

# OBRAZLOŽENJE BUDŽETA OPĆINE BUGOJNO ZA 2024. GODINU

## I. PRAVNI OSNOV I NAPOMENE

Pravni osnov za usvajanje Budžeta Općine Bugojno je:

- Zakon o budžetima u F BiH ("Službene novine F BiH", broj: 102/13, 9/14, 13/14, 8/15, 91/15, 102/15, 104/16, 5/18, 11/19, 99/19, 28/20, 25a/22),
- Statut Općine Bugojno ("Službene novine Općine Bugojno", broj: 7/07, 2/08, 6/11),
- Zakon o računovodstvu i reviziji u Federaciji BiH ("Službene novine F BiH", broj: 15/21),
- Zakon o principima lokalne samouprave u Federaciji BiH ("Službene novine F BiH", broj: 49/06),
- Uredba o računovodstvu budžeta u F BiH ("Službene novine F BiH", broj: 34/14, 66/23),
- Pravilnik o knjigovodstvu budžeta F BiH ("Službene novine F BiH", broj: 60/14),
- Pravilnik o finansijskom izvještavanju i godišnjem obračunu budžeta u F BiH ("Službene novine F BiH", broj: 69/14, 14/15, 4/16, 19/18, 3/21),
- Pravilnik o obliku, sadržaju, načinu popunjavanja i predaji Izjave o fiskalnoj odgovornosti (34/14).

Zakonom o budžetima F BiH ("Službene novine F BiH", broj: 102/13, 9/14, 13/14, 8/15, 91/15, 102/15, 104/16, 5/18, 11/19, 99/19, 28/20, 25a/22) propisuje se jačanje finansijske discipline i fiskalne odgovornosti u F BiH. U skladu s članovima od 19. do 25. Zakona o Budžetu F BiH, korisnici budžetskih sredstava (potrošačke jedinice-općinske službe) su dužni da urade svoje finansijske planove, uključujući programe i projekte za tekuće transfere, izdatke i transfere za kapitalne investicije s obrazloženjima, koji su osnova za izradu Budžeta.

U skladu s članom 16. Zakona o budžetima F BiH, priprema i izrada Budžeta za 2024. godinu se zasniva na Dokumentu okvirnog Budžeta Općine 2024.-2026. godine, koji sadrži makroekonomske projekcije i prognoze prihoda i primitaka, rashoda i izdataka za naredne tri godine, izvršenju Budžeta za period I.-IX.2023. i revidiranih projekcija prihoda od SBK po osnovu indirektnih i direktnih poreza za period 2024.-2026. godine.

**U skladu s članom 32. Zakona o budžetima F BiH, općinski načelnik nakon održane Javne rasprave 20.12.2023. godine o Nacrtu budžeta za 2024. godinu i Nacrtu odluke o izvršavanju Budžeta za 2024. godinu, dostavlja Općinskom vijeću Prijedlog budžeta za 2024. godinu i Prijedlog odluke o izvršavanju Budžeta Općine Bugojno za 2024. godinu na usvajanje.**

## II. RAZLOZI ZA DONOŠENJE BUDŽETA

Cilj donošenja Budžeta je da se omogući i osigura nesmetano funkcionisanje Jedinственог органа управе i provođenje aktivnosti lokalne zajednice, koje se utvrđuju Zakonom o principima lokalne samouprave u F BiH ("Službene novine F BiH", broj: 49/06, 51/09).

## III. PRIHODI, PRIMICI I FINANSIRANJE

**Predloženim budžetom Općine Bugojno za 2024. godinu planirani su ukupni prihodi, primici i finansiranje u iznosu od 14.723.000 KM,** što je u odnosu na usvojeni Budžet za 2023. godinu povećanje za 26,91 %.

**POREZNI PRIHODI** (cto 710000) su planirani u iznosu od 8.762.000 KM, što je 59,51 % od ukupnog Budžeta za 2024. godinu i za 16,80 % su veći od planiranog (usvojenog) Budžeta za 2023. godinu.

Porezi na dobit pojedinaca i preduzeća (cto 711000) za 2024. godinu planirani su u iznosu od 10.000 KM.

Porezi na plaću i radnu snagu (cto 713000) za 2024. godinu planirani su u iznosu od 6.000 KM.

Značajnu stavku u strukturi poreznih prihoda bilježe porezi na imovinu (cto 714000), koji su planirani za 2024. godinu u ukupnom iznosu od 1.190.000 KM, od toga planirano je za: stalni porez na imovinu 340.000 KM, porez na naslijeđe i darove 40.000 KM, porez na promet nepokretnosti od fizičkih lica 550.000 KM i porez na promet nepokretnosti od pravnih lica 260.000 KM.

Prihodi od domaćih poreza na dobra i usluge (cto 715000-zaostale obaveze) su planirani u iznosu od 5.000 KM.

Prihodi od poreza na dohodak (cto 716000) su planirani u iznosu od 2.600.000 KM, što je 17,66 % od planiranog u Budžetu za 2024. godinu i za 34,72 % su veći u odnosu na usvojeni Budžet 2023. godine.

Prihodi od indirektnih poreza (cto 717000) za 2024. godinu planirani su u iznosu od 4.950.000 KM, što je 33,62 % od ukupnog Budžeta za 2024. godinu i za 7,84 % su veći u odnosu na usvojeni Budžet 2023. godine, od toga planirani su: prihodi od indirektnih poreza na ime finansiranja autocesta F BiH u iznosu od 140.000 KM, prihodi od indirektnih poreza koji pripadaju Direkciji cesta u iznosu od 390.000 KM i prihodi od indirektnih poreza (PDV-a), koji pripadaju jedinicama lokalne samouprave u iznosu od 4.420.000 KM.

Ostali porezi (cto 719000) su planirani u iznosu od 1.000 KM.

**NEPOREZNI PRIHODI** (cto 720000) su planirani u iznosu od 2.142.000 KM, što je 14,55 % od ukupnog Budžeta za 2024. godinu i za 1,70 % su manji od planiranog u Budžetu za 2023. godinu.

**Prihodi od poduzetničkih aktivnosti i imovine** (cto 721000) su planirani u iznosu od 56.000 KM.

**Naknade, takse i prihodi od pružanja javnih usluga** (cto 722000) su planirani u Budžetu za 2024. godinu u iznosu od 2.085.000 KM, što je 14,16 % od ukupnog Budžeta za 2024. godinu.

Prihodi od općinskih administrativnih taksi (cto 722130) su planirani u iznosu od 165.000 KM, dok su prihodi od općinskih komunalnih taksi (cto 722321) planirani u iznosu od 265.000 KM.

Prihodi od općinskih naknada za zemljište i izgradnju (konto 722430) planirani su za 2024. godinu u iznosu od 900.000 KM, dok je naknada po osnovu tehničkog prijema građevina (konto 722436) planirana u iznosu od 50.000 KM.

Prihodi od općinskih komunalnih naknada (cto 722441) će biti planirani u Budžetu kada se donese nova Općinska odluka o komunalnim naknadama, a isti se na rashodovnoj strani raspoređuju namjenski za: održavanje javnih i zelenih površina, održavanje javnih saobraćajnih površina, održavanje javnih parkirališta, dijelom za održavanje i izgradnju kanalizacione, vodovodne i elektro mreže, djelatnosti zimskih službi, dekoraciju grada, zbrinjavanje životinja, čišćenje i održavanje regulisanih i neregulisanih vodotoka, kao i učešće u otklanjanju posljedica elementarnih nepogoda. Planiranje i namjenska raspodjela općinskih komunalnih naknada vrši se po Odluci o komunalnim naknadama Općine ("Sl. novine Općine", broj: 2/05, 1/07, 4/07, 1/08), koja treba biti usklađena sa Zakonom o komunalnim djelatnostima SBK ("Sl. novine SBK", broj: 13/13).

Naknada za korištenje šume (cto 722450) je planirana u iznosu od 30.000 KM. Naknada za zakup javnih površina (cto 722463) je planirana u iznosu od 20.000 KM. Naknada za korištenje podataka iz premjera i katastra (cto 722515) je planirana u iznosu od 115.000 KM. Vodne naknade (cto 722520) su planirane u iznosu od 85.000 KM, dok su cestovne naknade (cto 722530) planirane u iznosu od 220.000 KM. Posebna naknada za zaštitu od prirodnih i drugih nesreća (cto 722580) ja planirana u iznosu od 180.000

KM. Prihodi od pružanja javnih usluga (cto 722600) su planirani u iznosu od 45.000 KM, dok su neplanirane uplate (cto 722700) planirane u iznosu od 10.000 KM.

**Novčane kazne** (cto 723000) po općinskim propisima su planirane u iznosu od 1.000 KM.

**TEKUĆI TRANSFERI** (cto 730000) su ukupno planirani za 2024. godinu u iznosu od 2.219.000 KM, od toga su tekući transferi iz inostranstva planirani u iznosu od 100.000 KM, a primljeni transferi od ostalih nivoa vlasti (F BiH, SBK) su planirani u iznosu od 2.119.000 KM (očekivana namjenska sredstva od F BiH planirana su u iznosu od 1.319.000 KM, a od SBK u iznosu od 800.000 KM).

**KAPITALNI TRANSFERI** (cto 740000) kao očekivana namjenska sredstva za kapitalna ulaganja s viših nivoa vlasti su planirani u ukupnom iznosu od 1.500.000 KM, od toga su planirani kapitalni transferi od F BiH u iznosu od 800.000 KM, dok su kapitalni transferi od SBK planirani u iznosu od 700.000 KM.

**PRIMICI** (cto 810000) su planirani u iznosu od 100.000 KM (odnosi se na prodaju općinskog građevinskog zemljišta).

**Struktura plana prihoda, primitaka i finansiranja za 2024. godinu je:**

I porezni prihodi	8.762.000 KM	59,51 %
II neporezni prihodi	2.142.000 KM	14,55 %
III tekući transferi	2.219.000 KM	15,07 %
IV kapitalni transferi	1.500.000 KM	10,19 %
V primici	100.000 KM	0,68 %
<b>VI Ukupno (I-V)</b>	<b>14.723.000 KM</b>	<b>100.00 %</b>

**NAPOMENA:** Procjena prihoda za 2024. godinu urađena je u skladu s Dokumentom okvirnog Budžeta Općine 2024.-2026. godine, na temelju stope rasta bruto društvenog proizvoda na nivou Države, SBK i Općine, na osnovu izvršenja Budžeta Općine za period I.-IX.2023. godine i revidiranih projekcija prihoda od SBK po osnovu indirektnih i direktnih poreza za period 2024.-2026. godine. Prihodi Općinskog budžeta urađeni su na temelju Zakona o pripadnosti javnih prihoda u F BiH ("Službene novine F BiH", broj: 22/06, 43/08, 22/09, 35/14, 94/15), Zakonu o porezu na dohodak ("Službene novine F BiH", broj: 10/08, 9/10, 44/11, 7/13, 65/13), Odluke o općinskim administrativnim taksama ("Službene novine Općine Bugojno", broj: 4/01, 7/01, 3/02, 4/02, 5/02), Zakona o komunalnim taksama ("Službene novine SBK/KSB", broj: 2/12, 5/14, 2/18), Zakona o porezima SBK/KSB ("Službene novine SBK", broj: 6/09, 3/10), Zakona o pripadnosti prihoda u SBK/KSB ("Službene novine SBK", broj: 3/10), Zakona o porezu na promet nekretnina ("Sl. novine SBK/KSB", broj: 11/13, prečišćeni tekst), propisa iz oblasti indirektnih poreza.

#### IV. RASHODI, IZDACI, TEKUĆA REZERVA, FINANSIRANJE I NERASPOREĐENI VIŠAK PRIHODA I RASHODA

**Ukupno planirani rashodi, izdaci, tekuća rezerva, finansiranje i neraspoređeni višak prihoda i rashoda za 2024. godinu su 14.723.000 KM,** što je u odnosu na Budžet 2023. godine povećanje od 26,91 %.

- ✚ **Rashodi po osnovu bruto plaća i naknada** (cto 611100) su 2.316.000 KM, odnosno 15,73 % od ukupnog Budžeta za 2024. godinu, dok su **naknade troškova zaposlenih** (cto 611200) planirane u iznosu od 405.000 KM tj. 2,75 % od ukupnog Budžeta za 2024. godinu. Trenutni broj zaposlenih je 80, a planirani broj zaposlenih u Jedinostvenom organu uprave Općine Bugojno u 2024. godini je 85.
- ✚ **Doprinosi poslodavca** (cto 612000) su planirani u iznosu od 243.000 KM, odnosno 1,65 % od ukupnog Budžeta za 2024. godinu.
- ✚ **Izdaci za materijal, sitan inventar i usluge** (cto 613000) su planirani u iznosu od 677.000 KM tj. 4,60 % od ukupnog Budžeta za 2024. godinu. Posebno izdvajamo:
  - ugovorene i druge posebne usluge (cto 613 900), koje su planirane u iznosu od 140.000 KM,

(napomena: izdvojiti posebno sredstva u iznosu od 10.000 KM za rušenje bespravno izgrađenih objekata i 20.000 KM za označavanje ulica općine),

- ugovorene usluge za rad komisija, vijećnika i pred. MZ (cto 613 970), koje su planirane u iznosu od 195.000 KM,
- izdaci za volonterski rad po osnovu ugovora, koji su planirani u iznosu od 10.000 KM.

✚ **Tekući transferi** (cto 614000) su planirani u iznosu od **7.174.000 KM** (48,73 % od ukupnog Budžeta za 2024. godinu):

➤ **Transferi drugim nivoima vlasti** (cto 614100) **3.252.000 KM**, od čega:

Transfer za Općine, za Općinsko pravobranilaštvo Bugojno je planiran u iznosu od 140.000 KM.

Transfer za MZ (mjesne zajednice) je planiran u iznosu od 150.000 KM,

Transfer za Službu za lokalni razvoj Javnog preduzeća (JP) za stambeno-komunalne djelatnosti i lokalne puteve je planiran u iznosu od 130.000 KM,

Transfer za festivale u Bugojnu (Fedra, Lutkari i ostali) je planiran u iznosu od 50.000 KM (napomena: posebno izdvojiti sredstva za Fedru 25.000 KM, za Lutkare 15.000 KM i ostalima 10.000 KM),

Transfer za troškove organizovanja javnih manifestacija je planiran u iznosu od 70.000 KM,

Transfer za Osnovnu muzičku školu je planiran u iznosu od 40.000 KM,

Transfer za kulturu, za JU KSC Bugojno je planiran u iznosu od 460.000 KM.

Transfer za kulturu, za JP RTV Bugojno je planiran u iznosu od 395.000 KM.

Transfer za korištenje sportske dvorane JU KSC-a za članice Sportskog saveza i ostale je planiran u iznosu od 70.000 KM,

Transfer za sport je planiran u iznosu od 190.000 KM,

Transfer za premijerligaške klubove je planiran u iznosu od 20.000 KM,

Transfer za Ženski nogometni klub Iskra Bugojno je planiran u iznosu od 120.000 KM,

Transfer za Muški rukometni klub Iskra Bugojno je planiran u iznosu od 150.000 KM,

Transfer za izbore je planiran u iznosu od 85.000 KM,  
Transfer za obrazovanje, za JU za predškolsko obrazovanje je planiran u iznosu od 400.000 KM,  
Transfer za obrazovanje i inventivne djelatnosti (za osnovno i srednje obrazovanje, magistarske radove, doktorske disertacije i ostalo) je planiran u iznosu od 35.000 KM,  
Transfer za JU Dom zdravlja Bugojno (Služba hitne pomoći) planiran je u iznosu od 30.000 KM,  
Transfer za JU Dom zdravlja Bugojno (za prevoz oboljelih od malignih bolesti) je planiran u iznosu od 30.000 KM,  
Transfer za JU Dom zdravlja Bugojno (za usluge mrtvozorstva) je planiran u iznosu od 6.000 KM,  
Transfer za JU Bolnica Bugojno je planiran u iznosu od 100.000 KM,  
Transfer za Centar za socijalni rad je planiran u iznosu od 470.000 KM,  
Transfer za javnu kuhinju je planiran u iznosu od 71.000 KM,  
Transfer za održavanje kasarne je planiran u iznosu od 40.000 KM.

➤ **Transferi pojedincima (cto 614200) 956.000 KM**

Transfer pojedincima (za socijalnu i zdravstvenu pomoć) je planiran u iznosu od 50.000 KM.  
Transfer za raseljena lica je planiran u iznosu od 4.000 KM.  
Transfer za osobe s invaliditetom je planiran u iznosu od 12.000 KM.  
Transfer za unapređenje materinstva je planiran u iznosu od 400.000 KM<sup>1</sup>.  
Transfer za stipendije iznosi ukupno 380.000 KM.  
Transfer za elementarne nepogode je planiran u iznosu od 100.000 KM.  
Transfer za deminiranje je planiran u iznosu od 10.000 KM.

---

<sup>1</sup> Za svako dijete rođeno u 2024. godini na području općine Bugojno, na osnovu potpune dokumentacije predate nadležnoj općinskoj službi, isplata jednokratne pomoći u iznosu od 1.000,00 KM.

➤ **Transferi neprofitnim organizacijama (cto 614300) 1.306.000 KM**

Transferi boračkim organizacijama su ukupno planirani u iznosu od 188.000 KM.

Raspodjela po organizacijama je sljedeća:

-Transfer za RVI 39.208 KM i HVIDRA 27.792 KM,

-Transfer Organizaciji porodica šehida i poginulih boraca 25.535 KM i Udruzi obitelji poginulih i nestalih branitelja 20.465 KM,

-Transfer udruženjima demobilisanih boraca 33.000 KM i od toga pripada: JOB "Unija veterana" 13.200 KM, Organizaciji demobilisanih boraca Odbrambeno-oslobodilačkog rata 1992.-1995. godine-Srednja Bosna OO Bugojno 9.900 KM i Udruženju demobilisanih branilaca Odbrambeno-oslobodilačkog rata 1992.-1995. godine-Centralna Bosna, općina Bugojno 9.900 KM,

Udrugama dragovoljaca Domovinskog rata 22.000 KM,

-Transfer za udruženja demobilisanih boraca i udrugama dragovoljaca Domovinskog rata planiran je posebno po projektnoj osnovi u iznosu od 20.000 KM.

Transfer za vjerske zajednice je planiran u iznosu od 55.000 KM.

U okviru Transfera parlamentarnim političkim partijama planirana sredstva su u iznosu od 99.000 KM.

Transfer za udruženja građana je ukupno planiran u iznosu od 597.000 KM.

(napomena I.: kod Transfera za Udruženje logoraša i udrugama logoraša raspodjela će se vršiti po omjeru 50:50;

napomena II.: Iz Transfera za Udruženje stradalih Vrbanja 1993. posebno izdvojiti 2.500 KM za obilježavanje Dana stradalih Srebrenica 1995.;

napomena III.: kod ostalih udruženja od ukupno planiranih 168.400 KM posebno izdvojiti sredstva za: Udruženje strijelaca Kalin Bugojno 30.000 KM, Udruženje TEBE BiH 15.000 KM, Udruženje veterana policije 20.000 KM, Udruženje Lovačko društvo Koprivnica 20.000 KM i za Stonoteniski klub Bugojno 50.000 KM).

Transfer Vatrogasnom društvu je planiran u iznosu od 230.000 KM.

Transfer za penzionere je planiran u iznosu od 24.000 KM.

Transfer za OO Crveni križ je planiran u iznosu od 50.000 KM.

Transfer za NVO (po projektnoj osnovi) je planiran u iznosu od 10.000 KM.

Transfer za Udruženje Bug.ba (po projektnoj osnovi) je planiran u iznosu od 3.000 KM.

Transfer za implementaciju omladinske strategije je planiran u iznosu od 20.000 KM.

Transfer za Omladinski centar Bugojno je planiran u iznosu od 30.000 KM.

- |  |                   |
|--|-------------------|
| ➤ <b>Subvencije javnim preduzećima</b> (cto 614400)  | <b>910.000 KM</b> |
| Subvencija za zimsko održavanje i održavanje javnih površina   | 330.000 KM        |
| Subvencija za održavanje zelenih površina<br>(uz ulice i na kružnim tokovima)                            | 50.000 KM         |
| Subvencija za zbrinjavanje životinja   | 50.000 KM         |
| Subvencija za JP Stambeno-komunalne djelatnosti  | 230.000 KM        |
| Subvencija za JKP Vodovod i kanalizacija (VIK)<br>(od toga 40.000 KM za plaćanje duga za vodne naknade). | 250.000 KM        |
| ➤ <b>Subvencije privatnim preduzećima, poduzet. i poljoprivredne proizvodnje</b> (cto 614500)            | <b>520.000 KM</b> |
| Poticaj za poljoprivrednu proizvodnju  | 450.000 KM        |
| Subvencija za poticaj razvoja poduzetništva i obrta  | 20.000 KM         |
| Subvencija za zapošljavanje mladih i poduzetništvo mladih  | 50.000 KM         |

➤ **Drugi tekući rashodi (povrat poreza, izvršenje sudskih presuda, nagodbe) (cto 614800) 230.000 KM**

Povrat poreza, više ili pogrešno uplaćenih sredstava 30.000 KM

Izvršenje sudskih presuda i rješenja o izvršenju 200.000 KM

✚ **Struktura kapitalnih transfera (cto 615000) u ukupnom iznosu od 3.223.000 KM je sljedeća (21,89 % od ukupnog Budžeta za 2024. godinu):**

• **Kapitalni transferi drugim nivoima vlasti (općinama) (cto 615100) 3.188.000 KM**

Kapitalni transferi drugim nivoima vlasti (infrastrukturni projekti i slično) bi se trebali realizovati u skladu s programima (projektima) kapitalnih investicija za svaku od navedenih stavki u Budžetu za 2024. godinu, uz namjenske tekuće i kapitalne transfere s viših nivoa vlasti:

- Kapitalni transfer za lokalne puteve 400.000 KM
- Kapitalni transfer za asfaltiranje lokalnih puteva u MZ 20.000 KM
- Transfer za asfaltiranje puta u poslovnoj zoni I 75.000 KM
- Transfer za asfaltiranje puta u naselju Čaušlije 40.000 KM
- Transfer za asfaltiranje puta u MZ Vesela (krak Ćese, Gradina) 90.000 KM
- Transfer za asfaltiranje puta u MZ Vrbanja-zeleni put 100.000 KM
- Transfer za izgradnju putne komunikacije za Vrbas naselje (4. faza) 10.000 KM
- Transfer za izgradnju putne komunikacije za Hendek I 50.000 KM

○ Transfer za rekonstrukciju Sultan Ahmedove ulice s izgradnjom trotoara prema I. i III. os. školi	40.000 KM
○ Rekonstrukcija Sultan Ahmedove ulice do magistralne ceste za Gornji Vakuf-Uskoplje	50.000 KM
○ Rekonstrukcija ceste oko JU KSC, izgradnja trotoara i biciklističke staze do Ulice 307. motorizovane br.	40.000 KM
○ Transfer za rekonstrukciju naselja Nugle prema pošti	110.000 KM
○ Transfer za rekonstrukciju puta MZ Gaj	100.000 KM
○ Transfer za rekonstrukciju naselja Lamele (III. faza)	20.000 KM
○ Transfer za sanaciju gradske deponije	10.000 KM
○ Transfer za izgradnju asfaltnog puta Čaušlije-Boganovci	30.000 KM
○ Transfer za rekonstrukciju asfaltnog puta Kandija-Vučipolje	30.000 KM
○ Transfer za rekonstrukciju asfaltnog puta Boganovci-Podripci	30.000 KM
○ Transfer za rekonstrukciju puta u MZ Vesela	80.000 KM
○ Transfer za izgradnju asfaltnog puta u MZ Bristovi (naselje Kula)	80.000 KM
○ Transfer za asfaltiranje puta "Biser Rostovo" (putni pravac od magistralne ceste do dvorane)	120.000 KM
○ Transfer za saniranje udarnih rupa	60.000 KM
○ Transfer za rekonstrukciju Wagnerove ulice kod stadiona Mladost	15.000 KM
○ Transfer za postavljanje horizontalne i vertikalne signalizacije	40.000 KM
○ Uređenje: Prostorni plan, Urbanistički plan (projektna dokumentacija), digitalizacija	30.000 KM

○ Transfer za JP Rudnik Bugojno	5.000 KM
○ Vodosnabdijevanje (10.000 KM za izradu projektne dokumentacije za vodovodnu mrežu općine Bugojno, 20.000 KM za vodonaknade Agenciji za vodno područje sliva rijeke Save)	50.000 KM
○ Transfer za sanaciju klizišta i kvarova na bazenu Vrbanja i vodovoda Kruščica	40.000 KM
○ Elektromreža	30.000 KM
○ Transfer za izgradnju elektromreže u mjesnim zajednicama	20.000 KM
○ Transfer za izgradnju javne rasvjete i trotoara u naselju Podgaj	20.000 KM
○ Transfer za JKP Vodovod i kanalizaciju (VIK) 100.000 KM za rekonstrukciju zgrade i 150.000 KM za nabavku bagera	250.000 KM
○ Kanalizacija (10.000 KM za izradu projektne dokumentacije za kanalizacionu mrežu općine Bugojno)	30.000 KM
○ Transfer za izgradnju kanalizacione mreže u mjesnim zajednicama (projekat: Podgaj-Karadže)	30.000 KM
○ Transfer za izgradnju kanalizacione mreže Poriče-Alibegovići-Ždralovići	70.000 KM
○ Transfer za izgradnju kanalizacione mreže MZ Crniče-Vrpeć	60.000 KM
○ Transfer za izgradnju kanalizacione mreže MZ Vučipolje	30.000 KM
○ Transfer za izgradnju kanalizacione mreže MZ Odžak	30.000 KM
○ Transfer za izgradnju sportskih terena	20.000 KM
○ Transfer za sportske terene u MZ Bristovi, kod I., II., I.-III. osnovne škole i u MZ Vrbanja	20.000 KM

○ Kapitalni transfer za JU Opća bolnica Bugojno	150.000 KM
○ Transfer za JU predškolsko obrazovanje	10.000 KM
○ Participacija u projektima-donacije	10.000 KM
○ Transfer za planinarske domove (po projektu)	6.000 KM
○ Transfer za nastavak izgradnje Planinarskog doma Duboka	37.000 KM
○ Transfer za asfaltiranje puta prema Dubokoj (Centrala)	50.000 KM
○ Kapitalni transfer za JP RTV, za nabavku opreme	85.000 KM
○ Kapitalni transfer za JU KSC, za nabavku opreme, rekonstrukciju krova, utopljanje	150.000 KM
○ Transfer za uređenje okoliša i infrastrukture u MZ Kandija	15.000 KM
○ Transfer za JU Dom zdravlja	80.000 KM
○ Transfer za kontrolu hemijske i mikrobiološke ispravnosti vode vodovoda koji nisu u sistemu JKP VIK Bugojno	20.000 KM
○ Transfer za rekonstrukciju stadiona Jaklić i ostale potrebe NK Iskra	100.000 KM
○ Kapitalni transfer za Vatrogasno društvo	40.000 KM
○ Transfer za izgradnju prostorija MZ Glavice	10.000 KM
○ Transfer za Muzej Bugojno (rekonstrukcija i uređenje prostora)	50.000 KM

- **Kapitalni transfer pojedincima (cto 615200)** **35.000 KM**
- Transfer pojedincima za obnovu kuća i naknadu šteta 20.000 KM
- Participacija u projektu obnove-donacija R. Hrvatske 15.000 KM

**A) NAPOMENA:** Kod realizacije kapitalnih transfera voditi će se računa o ravnomjernom učešću MZ, kao i o nastavku započetih projekata iz 2023. godine. Za 2024. godinu planirana je realizacija svih započetih infrastrukturnih projekata po mjesnim zajednicama uz pomoć viših nivoa vlasti. Kapitalni transferi će se realizovati po usvojenim programima nadležnih službi i dostavljenim projektima od strane krajnih korisnika.

Kod realizacije kapitalnih transfera vodit će se računa o izradi prioritetnih projekata (započetih i novih):

- izrada putne komunikacije (saniranje makadamskih puteva i asfaltiranje),
- vodosnabdijevanje,
- izrada kanalizacione mreže započetih i novih projekata,
- proširenje elektromreže,
- izrada novih projekata iz infrastrukture (nove projektne dokumentacije),
- izgradnja započetih i novih sportskih terena.

**🚧 Struktura kapitalnih izdataka (cto 820000) u ukupnom iznosu od 485.000 KM je sljedeća (3,29 % od ukupnog Budžeta za 2024. godinu) :**

- **Izdaci za nabavku stalnih sredstava (cto 821000)** **485.000 KM**
- Preuzimanje neizgrađenog gradskog građevinskog zemljišta 10.000 KM
- Sanacija klizišta 10.000 KM
- Regulacija korita rijeke Vesočnice i izgradnja armiranih betonskih zidova 30.000 KM
- Izgradnja vodozahvata "Husića vrelo" (uspostavljanje zaštitne zone) 150.000 KM
- Rekonstrukcija glavnog vodovoda "Kruščica" 100.000 KM

- |  |           |
|--|-----------|
| ○ Izgradnja vodovodne mreže u MZ Rovna   | 55.000 KM |
| ○ Nabavka opreme u upravi  | 60.000 KM |
| ○ Studija izvodljivosti, projektne pripreme i projektovanje (daljinsko grijanje i drugo projektovanje) | 10.000 KM |
| ○ Rekonstrukcija i investiciono održavanje (zgrada Općine)   | 60.000 KM |

**B) NAPOMENA:** Na osnovu Zakona o budžetima F BiH i Odluke o izvršavanju Budžeta Općine Bugojno za 2024. godinu, korisnicima nije dozvoljeno da stvaraju obaveze, odnosno rashode ili opterećenja budžetskih pozicija, ako ti rashodi ili opterećenja budžetskih pozicija nisu odobrena u okviru iznosa alociranog za tog korisnika. Korisnici tekućih i kapitalnih transfera Budžeta za 2024. godinu, obavezni su u roku od mjesec dana po utrošku sredstava dostaviti Izvještaj s dokumentacijom o namjenskom utrošku sredstava, a za sredstva koja nisu utrošena ili su djelimično utrošena u budžetskoj godini dostaviti Izvještaj o utrošku sredstava do 31.12.2024. godine. Korisnici koji ne postupe u skladu s navedenom odredbom, obavezni su izvršiti povrat neopravdanih sredstava, o čemu postupak pokreće služba nadležna za realizaciju tekućih i kapitalnih transfera (u okviru koje se nalaze transferi u Budžetu).

**IZDACI ZA KAMATE** su planirani u iznosu od 10.000 KM i odnosi se uglavnom na overdraft.

**TEKUĆA REZERVA** je planirana u iznosu od 90.000 KM, što čini 0,61 % od ukupnog iznosa Budžeta za 2024. godinu.

**NERASPOREĐENI VIŠAK PRIHODA I RASHODA** se planira u Budžetu za 2024. godinu u iznosu od 100.000 KM, a u cilju djelimičnog smanjenja viška rashoda nad prihodima iz prethodnog perioda, što je u skladu sa Zakonom o budžetima u F BiH ("Službene novine F BiH", broj: 102/13, 9/14, 13/14, 8/15, 91/15, 102/15, 104/16, 5/18, 11/19, 99/19, 28/20, 25a/22).

## V. PRIJEDLOG MJERA

- zbog evidentne inflacije i trenutne ekonomske krize, koje negativno utječu na balans između prihoda, primitaka, rashoda i izdataka potrebno je u narednom periodu donijeti set ekonomskih i fiskalnih mjera zajedno s načelnikom, općinskim službama i ostalim korisnicima budžetskih sredstava i posebno s Općinskim vijećem, s ciljem uspostavljanja efikasne kontrole i balansa prihoda i rashoda kako bi se spriječio budžetski disbalans u fiskalnoj 2024. godini;
- s ciljem uspostavljanja efikasne kontrole prihoda potrebno je iznaći drukčije načine naplate (upozorenja, sudske odluke) kada se ne plaćaju obaveze, koje proizilaze iz registriranih dozvola i odluka;
- uspostavljanje mehanizama za kontrolu budžetskih sredstava kako bi se izbjegli neplanirani rashodi;
- potrebno je, uz sadašnje izvore neporeskih prihoda, identificirati i nove u skladu sa zakonom;
- jačanje koordiniranog rada između organa uprave, Poreske uprave i inspeksijskog nadzora;
- restriktivna politika prema potrošnji budžetskih sredstava (racionalizacija potrošnje odnosno promocija efikasnosti potrošnje, uz napomenu da je Budžet Općine urađen tako da osigurava normalan rad organa uprave i ostalih korisnika);
- budžetska disciplina i jačanje fiskalne odgovornosti nadležnih organa upravljanja;
- jačanje makroekonomske stabilnosti (važna uloga nadležnih službi, privatnog sektora, javnih preduzeća i ustanova te ostalih korisnika);
- provođenje reforme javne uprave, javnih preduzeća i ustanova;
- provođenje mjera za poticanje zaposlenosti u javnom i privatnom sektoru, uz očuvanje socijalne stabilnosti;
- koordinacija i pojačane aktivnosti svih korisnika budžetskih sredstava u prikupljanju javnih prihoda sa svih nivoa vlasti;
- sprovođenje svih zakonskih i podzakonskih akata s viših nivoa vlasti u skladu s realnim potrebama i mogućnostima Općine.

Bugojno, decembar 2023. godine

**Predsjedavajući Općinskog vijeća**

**Miroslav Zelić, s.r.**